

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-45-8386/20
Sarajevo, 24.09.2020. godine

Na osnovu člana 70. i 100. stav (3) Zakona o javnim nabavkama („Službeni glasnik BiH“, br. 39/14) i člana 7. Pravilnika o uslovima i načinu korištenja e-aukcije („Službeni glasnik BiH“, br. 66/16) rješavajući po žalbi ponuđača „TURBO MEHANIČ“ d.o.o. Sarajevo izjavljenu na Odluku o izboru najpovoljnijeg ponuđača br. 02/12-49-8386/20 od 04.09.2020. godine, u predmetu javne nabavke „Vršenje usluge održavanja službenih vozila za potrebe Općine Novi Grad Sarajevo“ u Otvorenom postupku, objavljenom u Službenom glasniku BiH, br. 28/20 i Portalu javnih, broj obavještenja 422-7-2-118-3-74/20 od 20.05.2020. godine, a na preporuku Komisije za javnu nabavku roba i usluga, Općinski načelnik donosi

ODLUKU

I

Uvažava se žalba ponuđača „TURBO MEHANIČ“ d.o.o. Sarajevo i stavlja van snage Odluka o izboru najpovoljnijeg ponuđača broj 02/12-49-8386/20 od 04.09.2020. godine u predmetu javne nabavke „Vršenje usluge održavanja službenih vozila za potrebe Općine Novi Grad Sarajevo“ u Otvorenom postupku, objavljenom u Službenom glasniku BiH, br. 28/20 i Portalu javnih, broj obavještenja 422-7-2-118-3-74/20 od 20.05.2020. godine.

II

Postupak javne nabavke nastaviti će se po pravosnažnosti ove Odluke, ponovnim zakazivanjem e-aukcije, a nakon što Agencija za javne nabavke BiH ocijeni opravdanost zahtjeva za ponovno zakazivanje iste.

III

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, u skladu sa članom 70. stav (6) Zakona o javnim nabavkama, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

Obrazloženje

Odlukom o pokretanju postupka javne nabavke broj 02/12-49-8386/20 od 18.05.2020. godine Općina Novi Grad Sarajevo pokrenula je Otvoreni postupak javne nabavke „Vršenje usluge održavanja službenih vozila za potrebe Općine Novi Grad Sarajevo“, objavljen u Službenom glasniku BiH, br. 28/20 i Portalu javnih, broj obavještenja 422-7-2-118-3-74/20 od 20.05.2020. godine.

Po provedenom postupku Općina Novi Grad Sarajevo kao ugovorni organ je donijela Odluku o izboru najpovoljnijeg ponuđača, br. 02/12-49-8386/20 od 18.05.2020. godine kojom je izvršen izbor „BOS MONT“ d.o.o. Sarajevo, a nakon provedenog postupka e-aukcije.

Dana 15.09.2020. godine Ugovorni organ je **zaprimio žalbu „TURBO MEHANIČ“ d.o.o. Sarajevo.**

Komisija je shodno odredbama člana 100. stav (1) konstatovala da je žalba blagovremena, dopuštena i izjavljena od strane ovlaštenog lica.

Žalitelj u žalbi navodi da je nakon uvida u ponudu izabranog ponuđača utvrdio da Izjave po članu 45., 50. i 52. Zakona o javnim nabavkama nisu popunjene, odnosno da u istim nisu navedeni svi podaci traženi tenderskom dokumentacijom, odnosno Uputstvom za pripremu modela tenderske dokumentacije i ponude, u dijelu Izjave koje se odnose na tačan naziv i vrstu postupka javne nabavke kao i broj obavjesti o istoj, kako slijedi:

- U Izjavi po članu 45. Zakona o javnim nabavkama (Aneks 5) koja čini sastavni dio ponude, na stranici 35/66 Ponude, nisu navedeni svi podaci traženi tenderskom dokumentacijom, odnosno Uputstvom za pripremu modela tenderske dokumentacije i ponude, u dijelu Izjave koji se odnosi na **broj obavjesti o javnoj nabavci**,

- U izjavi o ispunjenosti uslova po članu 50. Zakona o javnim nabavkama (Aneks 7), na stranici 47/66 Ponude, nisu popunjeni podaci koji se odnose na **tačan naziv i vrstu postupka javne nabavke niti broj obavještenja o javnoj nabavci**,

- U izjavi o ispunjenosti uslova po članu 52. Zakona o javnim nabavkama (Aneks 6), na stranici 53/66 Ponude nisu popunjeni podaci koji se odnose na **tačan naziv i vrstu postupka javne nabavke niti broj obavještenja o javnoj nabavci**.

Shodno navedenom, žalitelj smatra da je ugovorni organ trebao odbaciti ponudu izabranog ponuđača BOS MONT d.o.o. Sarajevo iz razloga što ista nije potpuna i nije u skladu sa zahtjevima iz tenderske dokumentacije, zakonskim i podzakonskim aktima kao i Uputstvom za pripremu modela tenderske dokumentacije i ponude, te predlaže ugovornom organu da uvaži žalbu i preispita odluku o izboru najpovoljnijeg ponuđača ili predmet proslijedi drugostepenom organu na dalji postupak.

Razmatrajući navode žalbe, utvrđeno je da je ista osnovana.

Naime, uvidom u Izjave izabranog ponuđača utvrđeno je da iste nisu popunjene u skladu sa zahtjevima iz tačke 4.1. a u vezi sa tačkama 3.1.2. i 3.3.1. tenderske dokumentacije, odnosno da izjava o ispunjenosti uslova po članu 50. Zakona o javnim nabavkama (Aneks 7), na stranici 47/66 Ponude, nisu popunjeni podaci koji se odnose na **tačan naziv i vrstu postupka javne nabavke niti broj obavještenja o javnoj nabavci** kao i izjavi o ispunjenosti uslova po članu 52. Zakona o javnim nabavkama (Aneks 6), na stranici 53/66 Ponude, nisu popunjeni podaci koji se odnose na **tačan naziv i vrstu postupka javne nabavke niti broj obavještenja o javnoj nabavci**.

Imajući u vidu da izabrani ponuđač nije sačinio ponudu u skladu sa zahtjevima iz tenderske dokumentacije, shodno članu 57. stav (1) Zakona o javnim nabavkama kojim je propisano:

„da se u postupku javne nabavke kandidat/ponuđač pridržava zahtjeva i uslova iz tenderske dokumentacije“, to se njegova ponuda odbacuje shodno članu 68. stav (4) tačka i) istog zakona, a koji propisuje:

„da ugovorni organ obavezno odbacuje ponudu koja nije potpuna i sačinjena u skladu sa zahtjevima iz tenderske dokumentacije“.

Nakon razmatranja žalbenih navoda, te odbacivanja ponude izabranog ponuđača BOS MONT d.o.o. Sarajevo, Komisija konstatuje da su ponude ponuđača: TURBO MEHANIK d.o.o. Sarajevo i AUTODELTA d.o.o. Sarajevo potpune i ispunjavaju formalno-pravne i kvalifikacione uslove tražene tenderskom dokumentacijom, te da je neophodno nakon pravosnažnosti Odluke o poništenju Odluka o izboru najpovoljnijeg ponuđača, br. 02/12-45-8386/20 od 04.09.2020. godine da se postupi shodno članu 7. stav (4) i (5) Pravilnika o uslovima i načinu korištenja e-aukcije („Službeni glasnik BiH“, br. 66/16) ponovnom zakazivanju e-aukcija na kojoj će učestvovati svi kvalifikovani ponuđači, odnosno da ugovorni organ dostavi Agenciji zahtjev za ponovno zakazivanje e-aukcije, sa obrazloženjem razloga koji dokazuju da se radi o opravdanom slučaju.

Imajući u vidu naprijed navedeno, prihvata se preporuka Komisije za javne nabavke roba i usluga, te je shodno odredbama člana 100. stav (3) Zakona o javnim nabavkama („Službeni glasnik BiH“, br. 39/14) i člana 7. Pravilnika o uslovima i načinu korištenja e-aukcije („Službeni glasnik BiH“, br. 66/16), odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić